



KEMENTERIAN SUMBER MANUSIA

**KETUA EKSEKUTIF
CHIEF EXECUTIVE**

Perbadanan Tabung Pembangunan Kemahiran
Skills Development Fund Corporation
Kementerian Sumber Manusia
Ministry of Human Resources
Pejabat Ketua Eksekutif
Aras 27, Menara Dato' Onn
Pusat Dagangan Dunia Kuala Lumpur (WTCKL)
No. 45, Jalan Tun Ismail, 50530 Kuala Lumpur



Telefon : 03 – 4051 6009
E-mel : skillsfund@ptpk.gov.my
Laman Web : <http://www.ptpk.gov.my>

Ruj. Kami : PTPK.P&P.100-1/4/1 (52)

Tarikh : 13 hb. Jun, 2025

**Ketua Eksekutif/Pengarah/Pengurus
Penyedia Latihan Berdaftar Dengan PTPK**

YBhg. Datuk/Dato'/Datin/Tuan/Puan,

**PEMAKLUMAN PELAKSANAAN PROGRAM LATIHAN KEMAHIRAN DI BAWAH DANA
SKIM PEMBIAYAAN PROGRAM PENDIDIKAN DAN LATIHAN TEKNIKAL DAN
VOKASIONAL (TVET) BERIMPAK TINGGI 2025**

Dengan segala hormatnya saya merujuk kepada perkara di atas.

- Adalah dimaklumkan bahawa, di bawah kerangka Ekonomi MADANI, Kerajaan akan memantapkan sektor dan industri dengan pertumbuhan dan nilai tinggi (*high-growth high value* [HGHV]) meliputi lima bidang iaitu industri berasaskan peralihan tenaga; industri berasaskan teknologi dan digital; industri elektrik dan elektronik bernilai tinggi; perindustrian dan asas tani; dan industri nadir bumi.
- Kejayaan perancangan dan dasar komprehensif Kerajaan dalam memacu ekonomi memerlukan dokongan modal insan berkemahiran yang mencukupi secara berterusan. Kerajaan memberi tumpuan terhadap TVET kerana ia berpotensi besar dan menjadi pemacu perubahan dalam aspek pembangunan bakat ini. Sehubungan itu, sejumlah peruntukan besar telah diperuntukkan bagi memastikan program TVET ini berupaya menyediakan latihan yang intensif dan praktikal kepada generasi muda negara.
- Justeru itu, dalam ucapan perasmian Hari TVET Negara 2024 pada 8 Jun 2024, YAB Perdana Menteri telah mengumumkan pembiayaan tambahan yang akan disalurkan menerusi Perbadanan Tabung Pembangunan Kemahiran bagi membiayai tujuh (7) bidang keutamaan. Bidang-bidang keutamaan adalah merangkumi bidang **Kenderaan Elektrik; Keselamatan Siber; Kecerdasan Buatan (AI); Bahan Termaju; Teknologi Elektronik; Mekanisasi Ladang; dan Automasi Pertanian dan Penternakan** serta lain-lain bidang relevan dengan keperluan semasa dan masa hadapan industri negara.
- Tambahan daripada itu, YAB Perdana Menteri dan Menteri Kewangan ketika membentangkan ucapan belanjawan MADANI Ketiga tahun 2025; Membugar Ekonomi, Menjana Perubahan, Mensejahtera Rakyat pada 18 Oktober 2024 turut menyatakan bahawa Kerajaan menyediakan pembiayaan sehingga RM100 juta khusus untuk bidang yang dinyatakan di para 4.

PEMAKLUMAN PELAKSANAAN PROGRAM LATIHAN KEMAHIRAN DI BAWAH DANA SKIM PEMBIAYAAN PROGRAM PENDIDIKAN DAN LATIHAN TEKNIKAL DAN VOKASIONAL (TVET) BERIMPAK TINGGI 2025

6. Sehubungan dengan itu, urusetia Skim Pembiayaan Program Pendidikan Dan Latihan Teknikal Dan Vokasional (TVET) Berimpak Tinggi ingin mempelawa kepada Penyedia Latihan (PL) yang mendapat pentauliahan Jabatan Pembangunan Kemahiran (JPK) atau Agensi Kelayakan Malaysia (MQA) atau daripada agensi atau pensijilan industri atau badan pensijilan professional berkaitan untuk mengemukakan kertas cadangan permohonan bagi menjalankan program latihan kemahiran di bawah Skim Pembiayaan Program Pendidikan Dan Latihan Teknikal Dan Vokasional (TVET) Berimpak Tinggi ini.

7. Untuk makluman YBhg. Datuk/ Dato'/ Tuan/Puan, konsep pelaksanaan Skim Pembiayaan Program Pendidikan Dan Latihan Teknikal Dan Vokasional (TVET) Berimpak Tinggi adalah seperti berikut:

- i. Skim Pembiayaan Program Pendidikan Dan Latihan Teknikal Dan Vokasional (TVET) Berimpak Tinggi adalah pembiayaan berbentuk geran;
- ii. akan diadaptasikan kepada para penerima manfaat yang terdiri daripada graduan TVET lulusan Sijil hingga Ijazah Sarjana Muda, pelajar TVET sedia ada dan mana-mana individu yang relevan untuk menyertai program ini dengan merujuk kepada perkara 10.0 di dalam Garis Panduan yang disertakan;
- iii. menggunakan **2 konsep latihan** seperti berikut:
 - a. **Konsep Latih dan Penempatan (*Train and Place*)** di mana pelatih menjalani latihan terlebih dahulu sebelum diberikan penempatan dalam pekerjaan; dan
 - b. **Konsep Penempatan dan Latih (*Place and Train*)** di mana pelatih diberikan penempatan pekerjaan di industri sebelum latihan dijalankan.
- iv. program latihan kemahiran jangka pendek selama 7 hari dan maksimum selama 6 bulan sama ada persijilan penuh, modular, customized atau Pengiktirafan Pencapaian Terdahulu (PPT) bergantung kepada permintaan majikan/industri di bawah Persijilan Kemahiran Malaysia (PKM) atau Agensi Kelayakan Malaysia (MQA) atau agensi/industri atau persijilan industri atau badan pensijilan professional berkaitan;
- v. pelaksanaan latihan kemahiran berasaskan Standard Pekerjaan atau modul yang diiktiraf dengan penekanan kepada komponen praktikal dan kemahiran psikomotor (*skills*), pengetahuan dan teori (kognitif), sikap (*attitude*) dan kebolehan teras (*core abilities*);

- vi. keutamaan program latihan yang dibiayai di bawah tujuh (7) bidang seperti di para 4;
- vii. program latihan kemahiran yang dijalankan hendaklah memberi impak kepada penempatan pekerjaan dan peningkatan kompetensi untuk menutup jurang kompetensi serta memenuhi keperluan teknologi baru;
- viii. Agensi penyelaras akan membantu mengenal pasti, menyemak, mencadangkan PL yang layak dipertimbangkan untuk menerima peruntukan yang dikemukakan bagi penilaian bagi penilaian Jawatankuasa Teknikal Skim Skim Pembiayaan Program Pendidikan Dan Latihan Teknikal Dan Vokasional (TVET) Berimpak Tinggi. Agensi penyelaras mengikut kementerian adalah seperti berikut:
 - a. **Bidang Kenderaan Elektrik (EV)**
Kementerian Pelaburan, Perdagangan dan Industri (MITI)- Institut Automotif Robotik dan IoT Malaysia (MARii);
 - b. **Bidang Keselamatan Siber (Cybersecurity)**
Agensi Keselamatan Siber Negara (NASCA);
 - c. **Bidang Kecerdasan Buatan (Artificial Intelligence)**
Kementerian Sains, Teknologi dan Inovasi Malaysia (MOSTI) dan Kementerian Pengajian Tinggi (KPT);
 - d. **Bidang Teknologi Elektronik dan Bahan Termaju**
Collaborative Research in Engineering, Science & Technology (CREST);
 - e. **Bidang Mekanisasi Ladang**
Institut Perladangan dan Komoditi Malaysia (IMPAC), Kementerian Perladangan dan Komoditi (KPK);
 - f. **Bidang Automasi Pertanian dan Penternakan**
Bahagian Pembangunan Kapasiti dan Latihan Pertanian (BPKLP), Kementerian Pertanian dan Keterjaminan Makanan (KPKM); dan
 - g. **Lain-lain bidang relevan dengan keperluan semasa dan masa hadapan industri negara**
- ix. elemen pembiayaan meliputi pembiayaan yuran latihan dan Kos Sara Hidup (KSH) pelatih;

PEMAKLUMAN PELAKSANAAN PROGRAM LATIHAN KEMAHIRAN DI BAWAH DANA SKIM PEMBIAYAAN PROGRAM PENDIDIKAN DAN LATIHAN TEKNIKAL DAN VOKASIONAL (TVET) BERIMPAK TINGGI 2025

- x. Kadar pembiayaan setiap program latihan adalah mengikut kadar yuran adalah tertakluk kepada kelulusan Jawatankuasa Skim Pembiayaan Program Pendidikan Dan Latihan Teknikal Dan Vokasional (TVET) Berimpak Tinggi.
- 8. Penilaian hasil dan impak program merupakan satu komponen utama dalam pengurusan pembangunan Kerajaan untuk mengukur samada program yang dilaksanakan dapat mencapai matlamat yang ditetapkan serta mendatangkan faedah kepada kumpulan sasar atau sebaliknya. Oleh hal yang demikian, PL hendaklah memastikan pelatih/peserta yang menjalani latihan kemahiran memenuhi satu atau lebih kriteria outcome seperti berikut:
 - i. Penempatan Pekerjaan / Pengekalan Pekerjaan; atau
 - ii. Peningkatan Kerjaya / Kenaikan Pangkat; atau
 - iii. Peningkatan Pendapatan.
- 9. Urusetia berpandangan bahawa tempoh masa yang berpatutan wajar diberikan supaya semua penyedia latihan mempunyai masa yang cukup untuk merangka program yang bersesuaian melibatkan keperluan industri. Bagi tujuan tersebut, urusetia telah menetapkan pelawaan tawaran ini dibuka sehingga 27hb. Jun, 2025 (Jumaat) jam 4.00 petang.
- 10. Sukacita diingatkan bahawa setiap permohonan yang ingin mendapatkan pembiayaan menerusi Skim Pembiayaan Program Pendidikan Dan Latihan Teknikal Dan Vokasional (TVET) Berimpak Tinggi ini hendaklah mengemukakan permohonan melalui pautan <https://tinyurl.com/pembiayaantvetberimpaktinggi> dan perlu mengemukakan dokumen sokongan seperti yang terdapat dalam Senarai Semak Dokumen Permohonan secara salinan hardcopy kepada PTPK sebelum tarikh tutup permohonan. Dokumen permohonan hendaklah dikemukakan di alamat seperti berikut:

Perbadanan Tabung Pembangunan Kemahiran,
Kementerian Sumber Manusia,
11,12c,15-19 & 27, Menara Dato' Onn,
Pusat Dagangan Dunia Kuala Lumpur (WTCKL),
45 Jalan Tun Ismail, 50530 W.P Kuala Lumpur.
- 11. Bersama-sama ini disertakan dokumen untuk rujukan YBhg. Datuk/Dato'/Tuan/Puan untuk membuat permohonan iaitu:
 - i. **Lampiran 1** - Garis Panduan Pelaksanaan Program Di Bawah Skim Pembiayaan Program Pendidikan Dan Latihan Teknikal Dan Vokasional (TVET) Berimpak Tinggi;
 - ii. **Lampiran 2** – Kod QR bagi Permohonan Secara Dalam Talian

Ruj. Kami: PTPK.P&P.100-1/4/1 (52)

Tarikh : hb. Jun, 2025

PEMAKLUMAN PELAKSANAAN PROGRAM LATIHAN KEMAHIRAN DI BAWAH DANA SKIM PEMBIAYAAN PROGRAM PENDIDIKAN DAN LATIHAN TEKNIKAL DAN VOKASIONAL (TVET) BERIMPAK TINGGI 2025

12. Sebarang pertanyaan pihak tuan boleh menghubungi urusetia Skim Pembiayaan Program Pendidikan Dan Latihan Teknikal Dan Vokasional (TVET) Berimpak Tinggi melalui e-mel di tvetberimpaktinggi@ptpk.gov.my. Segala perhatian dan kerjasama YBhg. Datuk/Dato'/Tuan/Puan berhubung perkara ini amatlah dihargai dan didahului dengan ucapan terima kasih.

Sekian.

"MALAYSIA MADANI"

"BERKHIDMAT UNTUK NEGARA"

"Pekerja Kesuma Bangsa"

Saya yang menjalankan amanah,



(MOHD FATHULLAH BIN MUSTAFA)

Ketua Eksekutif

Perbadanan Tabung Pembangunan Kemahiran

Kementerian Sumber Manusia

Merangkap Pengerusi Jawatankuasa Teknikal Skim Pembiayaan Program Pendidikan Dan Latihan Teknikal Dan Vokasional (TVET) Berimpak Tinggi

LAMPIRAN 2

PERMOHONAN PELAKSANAAN PROGRAM LATIHAN KEMAHIRAN DI BAWAH SKIM PEMBIAYAAN PROGRAM PENDIDIKAN DAN LATIHAN TEKNIKAL DAN VOKASIONAL (TVET) BERIMPAK TINGGI BAGI TAHUN 2025

Sila imbas kod QR ini untuk membuat permohonan



<https://tinyurl.com/pembiayaantvetberimpaktinggi>

**Tarikh tutup permohonan : 27hb. Jun, 2025
(jam 4:00 petang)**

Penghantaran dokumen sokongan hendaklah dikemukakan pada atau sebelum
27hb. Jun, 2025 (jam 4:00 petang) di peti dokumen (berwarna merah) di Aras
16, PTPK.

Sesi taklimat kepada Penyedia Latihan yang berminat akan diadakan pada:

Tarikh : **18hb. Jun, 2025**

Masa : **10:30 pagi hingga 12:30 tengah hari**

Pautan taklimat : <https://tinyurl.com/taklimattvetberimpaktinggi>

Sebarang pertanyaan lanjut berhubung permohonan ini, sila hubungi pegawai berikut:

Encik Ahmad Zamir bin Ahmad Zawawi
Pengurus

(Bahagian Pengurusan Pembiayaan)

☎ 03-4051 6300

✉ zamir@ptpk.gov.my

Puan Radin Khairina binti Khirotdin
Sekretariat Majlis TVET Negara (MTVET)

☎ 03-88724852

✉ rkhairina@mohr.gov.my

Encik Muhammad Afif Atmam Bin Mahadi
Sekretariat Majlis TVET Negara (MTVET)

☎ 03-88724853

✉ ktk_afif.mahadi@jpm.gov.my